



SAKSPAPIR

Saksnr	Utval	Type	Dato
68/2022	Formannskap/plan- og økonomiutvalet	PS	23.08.2022

Sakshandsamar	Arkiv	ArkivsakID
Tore Henrik Øye	FE-223, FA-K40	22/308

LØYVING AV TILSKOT FRÅ KOMMUNALT VILTFOND TIL OPPGRADERING AV SKYTEBANA I LITLEVIKA PÅ EIDSLANDET - NYE ELEKTRONISKE SKIVER

Vedlegg:

Soknad_Sius_AC13_2022_Vaksdal

Tilbud_Sius_AC13_2022

Kommunedirektøren sitt framlegg til vedtak:

Viltnemnda, ved Formannskap-/plan og økonomiutvalet (FPØ), løyver inntil kr. 25 000,- inkl. mva. i viltfondsmidler til Vaksdal/Modalen Skyttarlag, v/ Trygve Mjelde, til innkjøp av to nye, elektroniske skiver for bruk på skytebana i Litlevika på Eidslandet.

Vedtaket er gjort med heimel i Forskrift om kommunale og fylkeskommunale viltfond og fellingsavgift for elg og hjort § 5, jf. § 1, og vedtektene for kommunalt viltfond pkt. 5.

Tilskotet er løyvd ut frå kr. 132 725,- i godkjend kostnad, og utgjør 19 % i finansiering. Ved eventuelt lågare kostnad, kan tilskotssummen bli redusert tilsvarende. Ved momsrefusjon vert kostnaden eks. mva. lagt til grunn for tilskotet.

Tilskotet vil bli utbetalt til søker sin bankkonto etter innsending av sluttrapport med kostnadsdokumentasjon.

Arbeidsfristen er sett til 01.06.24. Etter dette blir tilskotet trekt attende.

Formannskap/plan- og økonomiutvalet - Sak 68/2022

FPØ - Behandling:

Samrøystes vedtak.

FPØ - Tilråding/Vedtak:

Viltnemnda, ved Formannskap-/plan og økonomiutvalet (FPØ), løyver inntil kr. 25 000,- inkl. mva.

i viltfondsmidler til Vaksdal/Modalen Skyttarlag, v/ Trygve Mjelde, til innkjøp av to nye, elektroniske skiver for bruk på skytebane i Litlevika på Eidslandet.

Vedtaket er gjort med heimel i Forskrift om kommunale og fylkeskommunale viltfond og fellingsavgift for elg og hjort § 5, jf. § 1, og vedtektene for kommunalt viltfond pkt. 5.

Tilskotet er løyvd ut frå kr. 132 725,- i godkjend kostnad, og utgjer 19 % i finansiering. Ved eventuelt lågare kostnad, kan tilskotssummen bli redusert tilsvarande. Ved momsrefusjon vert kostnaden eks. mva. lagt til grunn for tilskotet.

Tilskotet vil bli utbetalt til søker sin bankkonto etter innsending av sluttrapport med kostnadsdokumentasjon.

Arbeidsfristen er sett til 01.06.24. Etter dette blir tilskotet trekt attende.

Saksopplysningar:

Samandrag/konklusjon (kort om saka)

Vaksdal/Modalen skyttarlag søker om midlar frå Vaksdal kommune sitt viltfond til innkjøp av to nye, elektroniske skiver til skytebane i Litlevika på Eidslandet.

Det vert søkt om kr. 50 000,- i tilskot frå Mysterfondet og kommunen sitt viltfond til investeringa (samla søknadssum).

Kostnaden med tiltaket er budsjettert til kr. 132 725,- inkl. mva.

I følge vedtekene til viltfondet, skal fondet sine midlar nyttast til tiltak som fremjar viltforvaltning. Kommunedirektøren si vurdering er at søknaden frå skyttarlaget er innanfor viltfondet sitt føremål, ved at tiltaket legg til rette for gode treningsforhold og skyteferdigheiter hos jegerane. Dette som grunnlag for ei presis og målretta jaktutøving/forvaltning.

Kommunedirektøren si innstilling er at FPØ, som også utgjer viltnemda, løyver inntil kr. 25 000,- til planlagt oppgradering av skytebane i Litlevika. Dette utgjer 19 % av budsjettert kostnad.

Bakgrunn for saka

I søknad av 17.06.22 søker Vaksdal/Modalen skyttarlag, v/ Trygve Mjelde, om kr. 50 000,- i tilskot frå Mysterfondet og Vaksdal kommune sitt viltfond (samla søknadsbeløp). Tilskotet skal nyttast til innkjøp og montering av nye elektroniske skiver på skytebane i Litlevika på Eidslandet. Søknadsbeløpet utgjer 38 % av budsjettert kostnad på kr. 132 725,- inkl. mva. (jf. vedlegg). Skyttarlaget har òg søkt Modalen kommune om kr. 50 000,-. Den resterande kostnaden på kr. 32 725,-, skal laget dekkje sjølv (25 %).

Bakgrunnen for søknaden er skyttarlaget sitt arbeidet med å oppgradere skytebane. Oppgraderinga byrja i 2019, med utskifting av signal-/kabelsystem og straumforsyning frå standplass til skyteskivene. Her gav kommunen kr. 40 000,- i tilskot gjennom Mysterfondet.

Grunna utbetringane i 2019, kan skyttarlaget no gå over til den nyaste typen skiver, i følge søker.

Desse skivene er svært pålitelege, og krev mest ikkje vedlikehald, i motsetnad til dagens skiver. Skyttarlaget har i dette høvet stengd ned fleire skiver, grunna dårleg funksjon. Nye skiver vil difor betre situasjonen mykje, med tanke på kvalitet, verknad og presisjon.

Søklar nemner at skytebane i Litlevika er mykje i bruk, mellom anna av jegerar som trenar og tek skyteprøva. Bana representerer soleis eit viktig, lokalt tilbod, med stor nytteverdi for personar med jaktinteresse.

Formelt grunnlag:

- Forskrift om kommunale og fylkeskommunale viltfond og fellingsavgift for elg og hjort.
- Vedtekter for kommunalt viltfond, vedteke av kommunestyret 17.12.01, jf. sak 0116/01.

Vurdering og konsekvensar:

I følgje viltfondet sine vedtekter § 5, skal fondet sine midlane nyttast «*til tiltak for fremjing av viltforvaltning, styrking av kunnskapen om viltet, jaktorganisering m.v i kommunen*».

Sjølve tiltaket det vert søkt om midlar til, handlar ikkje direkte om viltforvaltning, men vil likevel vere med å leggje til rette for dette i neste omgang, gjennom ei målretta og forsvarleg jaktutøving. Samstundes vil oppgraderinga av skytebana, med innkjøp av nye skiver, kunne stimulere jegerane til ytterlegare bruk av bana i treningssamanheng, og vonleg medverke til rekruttering av nye jegerar. Kommunedirektøren vurderer difor at tiltaket fell saman med viltfondet sitt føremål.

Saldoen til viltfondet per 01.08.22, var omlag kr. 644 000,-. Vedtektene seier at grunnkapitalen for fondet skal vere på kr. 100 000,- (bunden kapital). Tilgjengelege midlar i fondet er soleis kring kr. 544 000,- (kan endre seg som følgje av annan tildeling). Det er soleis grunnlag for å løyve midlar til skyttarlaget, også med tanke på at det kan kome inn fleire søknadar i løpet av året. Fellingsavgiftene etter jakta i 2022, vil i sin heilskap bli overført til fondet, og vere med å byggje opp att fondskapitalen.

Kommunedirektøren ser søknaden i samanheng med at det òg er søkt om midlar frå Mysterfondet. I dette høvet er innstillinga å løyve halvparten av søknadsbeløpet frå kvart fond.

Kommunedirektøren går inn for at det vert løyvd kr. 25 000,- frå viltfondet til innkjøp og montering av 2 stk. nye, elektronisk skiver på skytebana i Litlevika. Dette utgjer 19 % av budsjetttert kostnad.